

dubitationem quibusdam venerit de capite sanctissimæ virginis, utrumne scilicet **A** esset in ecclesia sua, et tunc qualiter cum omnibus membris suis corpus integrum inventum esset diligenter edisserens : « Caput, inquit, sanctissimæ virginis hujus, » quæ gloria totius est Galliæ, cum integritate corporis sui nos invenisse gloriamur. » Et ne hoc ipsum vel vobis aut posteris aliquando eveniat ad dubium, vobis » dignum duximus prædicare. »

Num. 3.
Opponitur
aliorum epis-
coporum tes-
timonium.

Hæc et alia quamplurima in auribus populi prædictus præsul prædixerat, quæ **B** invidiam et impudentem animositatem inimici nostri comprimere potuissent, si datum desuper esset. Sed quoniam tunc hora erat et potestas tenebrarum ut inveniretur iniquitas ejus ad odium, modis quibuscumque poterat animum Regis inducere adversum nos conabatur in malum ; et cum nec ratione opus jam esset aut consilio (quippe jam enim turbata fuerat adversum nos regia celsitudo), subiit in mentem ut mitteretur post sæpeditos, qui jam ab ecclesia nostra discesserant, pontifices, **B** quatenus eorum testimonio approbata postmodum in oculis Regis veritas eluceret. Mittuntur itaque Milidunum cum magna festinatione quidam de fratribus, et in auribus venerabilium patrum prædictorum detestandam perversitatem Aurelianensis exponunt, et ut rei veritatem regis clementiæ per literarum suarum apices non recusent agnotare, diligenter exposcunt.

Num. 4.
Qui datus ad
Regem literis,

Igitur viri pacis et veritatis amatores, fratrum nostrorum precibus inclinati, justis supplicationibus eorum benignè impertientes assensum, regis sublimitati mandantes rei veritatem, in hunc modum rescripserunt : « Ex mandato regis serenitatis ad » ecclesiam sanctæ virginis Genovefæ convenimus, et capsam in qua eadem præ- » tiosissima virgo quiescit, in præsentia nostra fecimus reserari ; et ejus interiora » diligentius oculis ac manibus perscrutantes, corpus sanctissimum cum capite suo » et omnibus membris suis integrum, et breve quod idem testabatur indubitanter, **C** » invenimus. Hoc igitur invento, in laudem Dei cum magna exultatione prorup- » pimus, et populo circumstanti sine mora curavimus prædicare. Hoc vobis, nec » alia, domino nostro mandamus. Ecce per literas secundò eadem vobis significa- » mus, ne malignorum hominum, quibus est studium quæ bona sunt depravare, » obtrectatione veritas obfuscetur. Valet in Domino. »

Num. 5.
Omniem ab
eo dubitatio-
nem arcent.

Tanquam virorum testimonio mitissimus Regis animus delinitus, omnes à **D** tenebris supradictæ dubietatis longius propulsavit, et ecclesiam nostram ut prius, immo instantius quàm prius, et dilexit et protexit. Itaque, postquam veritas venit ad lucem, dolet impietas esse se delusam. Extunc etenim et deinceps Aurelianensis leo de leone factus est draco, non jam palam nequitiae suæ virus evomens, sed in occulto ; et quia, capite contrito, cætera membra robur ullum non habent, cum molas leonum in ore ipsorum converterit Dominus, complices sui, ministri confusionis, filii perditionis, inimici nostri confusi sunt, quia Deus sprexit eos. Nos ergo, quia de potestate eruti sumus et laqueo venantium, dicamus omnes, cantemus singuli : *Laqueus contritus est, et nos liberati sumus.*

Psal. cxviii. 7.

Num. 6.
Caput rei me-
moriam celebra-
re instituitur.

Revelata est autem domina nostra anno incarnati Verbi mclxi (a), mense **E** januario, decimà mensis, in octavis scilicet ejusdem sanctissimæ virginis, et à fratribus est dulciter deosculata. Die verò sequente tertià, in locum sanctum suum, unde fuerat deposita, cum hymnis et canticis spiritualibus est elevata. Nos in tanti gaudii memoriam, dolorem prius habitum subsequenter communicato fratrum nostrorum consilio et assensu communiter impertito, diem eandem nobis et posteris nostris constituimus celebriter venerari, ita ut devotionem et omnem observantiam die festo nativitatibus exhibitam hæc solemnitas nihilominus unquam obtineat. Ut autem singulis annis hujus actionis textus eodem die legatur ad mensam, curavimus providere ut et justus habeat unde lætetur, et conscientia peccatoris inveniat quo pungatur : quatenus et benevolis sit gratia benedictionis ; malivolis autem et his qui oderunt pacem, lapis offensionis et petra scandali.

(a) Anno 1162, à kalendis januarii inchoato